

machen möchten/ vnd in deme kein Arithmetican  
sparen / welche verachtung nur kömpt auß vnvor-  
standt.

Anderer Sophisticiren vnd glossiren nach ihren  
Kopffte dinge zuverwerffen / welche sie nicht angrief-  
fen/ viel weniger erfahren/ bleiben nur auff ihrer alten  
geigen/ als bey einem gewöhnlichen Handweret/ die-  
weil sie des grundes der heimlichkeiten kein wissen-  
schafft zuerlernen begeren / noch zubesteissen gebet-  
ten/ sünthernal ihre sachen leichtlich/ diese aber schwer-  
lich vnd müheselig können bereitet vnd verdienet wer-  
den/ diese verachtung / vnd vermeinete verwerffung/  
kömpt her auß faulheit/ welches theil aber mit bestem  
nuß auß dem rechten grund vnd Fundament oblie-  
get / dauon wil ich iezo nicht weitläufftiger erzählung  
thun/ noch einige disputation vornemen / sondern  
wil solches in seinem werth vnd vnwerth beruhen  
lassen.

Damit ein ieder Leser aber dieses Buchs wissen  
möge/ daß gleichwol Leute für vns gewesen/ so solche  
gabe Gottes erlanget vnd gewiß gehabt/ Als ist solches  
gewesen erstlich Hermes Trismegistus, Arnold de  
villa nova, Geberus Rex, Reymundus Lullius  
Maria prophetissa, Bernardus Graff von der  
Marck/ vnd vnzweifflich der König Salomon/ nebent  
andern viel mehr zuerzehlen vnnötig.

Was gleichfals kurz verlauffener Jahren  
durch den theuren Philosophum Theophrastum  
paracel-